

59. Vonn der stat dorffer Mitteleidung vnnnd Prister zcinse. Es ist zcu wissen, das dy zcinse, dy dy prister uffm Rathuse haben, Sein gemeynlich erblich. Vnnnd hat sich so funden: Das dy dorffer dy eyn dy Cammer gehorenn, sein zcu Altarien bescheiden, vnnnd deme Rathe entpholenn zcuverwesen, vnnnd dy zcinse zcu heben, vnnnd fort den Pristern zcu reichenn. Vnnnd der Rath sol dy für vnnnd allen andern geniss haben.

Also kompt es, das der Prister zcinse Erblich uffs Rothuss en zcureichenn kommen seinn. Vnnnd diss ist eyn gutter betrachtung zcuhaben, der Mitteleydung halben der Ritterschafft, So en das vorzcuholdenn stünde wi dy dorffer gemeynlich eyn der stadt Cammer gehörende seyn Almosen vnnnd zcu Gotes dinste gegeben, vnnnd wir seyn nur der selbigen procuratores.

Also kommet es, das dy Lauterbacher uffs Rathuss nicht zcinsen, Sunder den zcinss vj. mark hebet ein Altarist zcu seynen Altarien. Vnd der Altarien Lehenherrn sein gemeylich der Rath.

Vnnnd diss hat mir ouch also gesaget Caspar Nostitz, dy zzeit als ich mit em gein Brawnaw gefaren byn. Anno etc. lxxvij^o.

60. Weit ex Sifrido Goswynn. Wenn eynn Weitgast Weith her brenget, den sol er einlegen: Ferbet er, das er em lest zcu kouffe gehn, so sall er en vier wochen feil habenn: Vnnnd wer seyn beghert, den soll er em lassen, wer der gast adder fremder, vnnnd margkt do mitte halden. Er mag enen auch wegkfüren by enzelen mossen eyn ander stette.

Vnnnd so er dy iiij Wochen margkt mitte gehalden hat, vnnnd mag en nicht verkauffen: adder wil en nicht füren by mossen noch der schatzung eyn ander stette: So mag er doruff füren, vnnnd wider eyn geben zcu schatzen, als offte em not es. Vnnnd dor noch vber iiij Wochen zu margkte geen lassen. Vnnnd mag das thun, so offte em not ist.

Sunder das dritte Moss ist beteidinget ij. Jor mit den von Erfurt, vnnnd dy zzeit ist lange awss. Das nach der Schatzung der Weitgast hot fullemacht gehabt, das dritte Moss wegk zcu füren.

Vnnnd so dy zcweiteil nicht bezcalet werden vmb gereitschafft von den Tuchmechern, eyn viij tagen, so möchten sy dy zcwei teil zcu dem dritten Moss ouch weg füren.

Vnnnd so eyn Weit zcu kauffe gehet, ist hy Iwerlde gehaldenn, das sihe jn haben müssen lossen hy vnnsernn Tuchmechern. Vnnnd so hy gebroch gewest ist, haben sihe en nicht müssen wegfüren: Es sey denne mit gunst gewest der Tuchmecher hy by vnns, das sihe dor jnn zcu willen gewest seyn den Tuchmachern vnnnd andern stetten.

Vnnnd dor vmb eyn den iiij. Wochen mögen sihe en verkauffen wen sihe wollen, so ferr hy nicht gebroch ist, vnnnd von den Meistern vndersaget wirt. Ex hac specificatione intelliges totum.

Item, Es ist y werlde von alden gehalden, vnnnd ist eyn heimlichs. Gibt eyner Weit eyn, vnnnd wirt geschätzt vmb xij. schillinge, vnnnd schüttet nicht doruff, vnnnd gibt en aber eynn vnnnd brenget